

容齋三筆卷第九 十六則

樞密兩長官

趙汝愚初拜相陳騭自參知政事除知樞密院趙黜不受相印切除放遂有方出錢供職累日朝論謂兩樞長又名稱不同為無典故按熙寧元年嘗論其事遂令只償名府陳升之過闕留知樞密院故事樞密使與知院事不並置以前者按晉高祖天為使神宗以升之三輔政欲稍異其禮且王安石意在抑彥博云天福五年終以前故事也

赦放債負

淳熙十六年二月登極赦凡民間所欠債負不以久近多少一切除放遂有方出錢旬日未得一息而并本盡失之者人不以為便何澹為諫大夫嘗論其事遂令只償本錢小人無義幾至喧譟紹熙五年七月覃赦乃只為蠲三年以前者按晉高祖天福六年八月赦云私下債負取利及一倍者並放此最為得又云天福五年終以前殘稅並放而今時所放官物常是以前二年為斷則民已輸納無及于惠矣唯民間房貸欠負則從一年以前皆免比之區區五代翻有所不若也

馮道王溥

馮道為宰相歷數朝當漢隱帝時著長樂老自敘云余先自燕亡歸河東事莊宗明

宗愍帝清泰帝晉高祖少帝契丹主漢高祖今上三世贈至師傳階自將仕郎至開府儀同三司職自幽州巡官至武勝軍節度使官自試大理評事至兼中書令正官自中書舍人至戎太傅漢太師爵自開國男至齊國公孝于家忠于國口無不道之言門無不義之貨下不欺于地中不欺于人上不欺于天其不足者不能為大君致一統定八方誠有愧于厯官何以答乾坤之施老而自樂何樂如之道此文載于范質五代通錄歐陽公司馬溫公嘗詆誚之以為無廉恥矣王溥自周太祖之末為相至國朝乾德二年罷嘗作自問詩述其踐厯其序云予年二十有五舉進士甲科從周祖征河中改太常丞登朝時同年生尚未釋褐不日作相在廊廟凡十有一年厯事四朝去春恩制改太子太保每思菲陋當此榮遇十五年間躋極品儒者之幸殆無以過今行年四十三歲自朝請之暇但宴居讀佛書歌詠承平因作自問詩十五章以志本末此序見三朝史本傳而詩不傳頗與長樂敘相類亦可議也

周立豹相

唐莊宗時術士周立豹以相法言人事多中時明宗為內衛指揮使安重誨使他入易服而坐召立豹相之立豹曰內衛貴將也此不足當之乃指明宗于下坐曰此是也因為明宗言其後貴不可言明宗即位思立豹以為神將召至京師宰相趙鳳諫乃止觀此事則立豹之方術可知然馮道初自燕歸太原監軍使張承業辟為本院

巡官甚重之玄豹謂承業曰馮生無前程不可過用書記盧質曰我曾見杜黃裳寫真圖道之狀貌酷類焉將來必副大用玄豹之言不足信也承業于是薦道為霸府從事其後位極人臣考終牖下五代諸臣皆莫能及則玄豹未得擅唐許之譽也道在晋天福中為上相詔賜生辰器幣道以幼屬亂離早喪父母不記生日懇辭不受然則道終身不可問命獨有形狀可相而善工亦失之如此

鈗鋤滄浪

柳子厚鈗鋤潭西小丘記云丘之小不能一畝問其主曰唐氏之棄地貨而不售問其價曰止四百予憐而售之以茲丘之勝致之澧水郭杜則貴游之士爭買者日增千金而愈不可得今棄是州也農夫漁父過而陋之賈四百連歲不能售蘇子美滄浪亭記云予游吳中過郡學東顧草樹鬱然崇阜廣水不類乎城中並水得微徑于雜花修竹之間東趨數百步有棄地三向皆水旁無民居左右皆林木相虧蔽予愛而裴回遂以錢四萬得之予謂二境之勝絕如此至于人棄不售安知其後卒為名人賞踐如滄浪亭者今為韓蘄王家所有價直數百萬矣但鈗鋤復埋沒不可識士之處世遇與不過其亦如是哉

司封失典故

南渡之後臺省胥吏舊人多不存後生習學加以省記不復諳悉典章而司封以閒

曹之故尤為不謹舊法大卿監以上贈父至太尉止餘官至吏部尚書止今司封法餘官至金紫光祿大夫蓋昔之吏書也而中散以上贈父至少師止按政和以前太尉在太傅上其上唯有太師故凡稱攝太尉者皆為攝太傅則贈者亦應如此不應但許至少師也生為執政其身後但有子升朝則累贈可至極品大國公歐陽公位參知政事太子少師後以諸子恩至太師宛國公而其子棐亦不過朝大夫耳見于蘇公祭文及黃門所撰神道碑比年汪莊敏公任樞密使以子贈太師當封國公而司封以為須一子為侍從乃可竟不肯施行不知其說載于何法也朱漢章卻以子贈至大國公舊少卿監遇恩封開國男食邑三百戶自後再該加封則每次增百戶無止法今一封即止舊學士待制食邑千五百戶以上每遇恩則加寔封若虛邑五百者其寔封加二百虛邑三百二百者寔封加一百今復不然雖前執政亦只加虛邑三百耳故侍從官多至寔封百戶即止尤可笑也

老人該恩官封

晁無咎作積善堂記云大觀元年大赦天下民百歲男子官婦人封仕而父母年九十官封如民百歲于是故漳州軍事判官晁仲康之母黃氏年九十一矣其第四子仲詢走京師狀其事省中為漳州請漳州雖沒赦令初不異往者丞相以為可而上之封壽光縣太君今自乾道以來慶典屢下仕者之父母年七十八十即得官封而

子已沒者其家未嘗陳理為可惜也

學士中丞

淳熙十四年九月予以雜學士除翰林學士蔣世脩以諫議大夫除御史中丞時施聖與在政府語同列云此二官不常置今咄咄逼人吾輩當自點檢蓋謂其必大用也已而皆不然因攷紹興中所除者不暇縷述姑從壽皇聖帝以後至于紹熙五年枚數之為學士者九人仲允文安公史魏公伯允文惠公劉忠肅王日嚴王魯公周益公及子其後李獻之也二兄史劉王周皆擢執政日嚴以耆老拜端明致仕唯子出補郡獻之遂躡武為中丞者六人辛企李姚令則黃德潤蔣世脩謝昌國何自然也辛姚黃皆執政唯蔣補郡昌國徙權尚書即去國自然以本生母憂持服云

漢高祖父母姓名

漢高祖父曰太公母曰媼見于史者如是而已皇甫謐王符始撰為奇語云太公名執嘉又名孺媼姓王氏唐洪文館學士司馬正作史記索隱云母溫氏是時打得班固泗水亭長古石碑文其字分明作溫云母溫氏與賈膺復徐彥伯魏奉古等執對反覆深嘆古人未聞聊記異見予竊謂固果有此明證何不載之于漢紀疑亦後世好事者如皇甫之徒所增加耳又嘗在嶺外見康州龍媼廟碑亦云姓溫氏則指媼為溫者不一也唐小說纂異記載三史王生醉入高祖廟見高祖云朕之中外泗州

亭長碑昭然具載外族溫氏蓋不根誕妄之說

君臣事迹屏風

唐憲宗元和二年製君臣事迹上以天下無事留意典墳每覽前代興亡得失之事皆三復其言遂采尚書春秋後傳史記漢書三國志晏子春秋吳越春秋新序說苑等書君臣行事可為龜鑑者集成十四篇自製其序寫于屏風列之御座之右書屏風六扇于中宣示軍臣李藩等皆進表稱賀白居易翰林制詔有批李夷簡及百寮嚴綬等賀表其略云取而作鑑書以為屏與其散在圖書心存而景慕不若列之繪素目覩而躬行庶將為後事之師不獨觀古人之象又云森然在目如見其人論列是非既庶幾為坐隅之戒發揮獻納亦足以開臣下之心居易代言可謂詳盡又以見唐世人主作一事而中外至于表賀又答詔勤渠如此亦幾于叢脞矣憲宗此書有辨邪正去奢泰兩篇而末年用皇甫鎛而去裴度荒于游宴死于宦侍之手屏風本意果安在哉

僧道科目

唐末帝清泰二年二月功德使奏每年誕節諸州府奏薦僧道其僧尼欲立講論科講經科表白科文章應制科持念科禪科聲贊科道士經法科講論科文章應制科表白科聲贊科焚修科以試其能否從之此事見舊五代史記不知曾行與否至何

時而罷也蓋是時猶未鬻賣祠部度牒耳周世宗廢併寺院有詔約東云男年十五以上念得經文一百紙或讀得五百紙女年十三以上念得經文七十紙或讀得三百紙者經本府陳狀乞剃頭委錄事參軍本判官試驗兩京大名京兆府青州各起置戒壇候受戒時兩京委祠部差官引試其三處祇委判官逐處聞奏候勅下委祠部給付憑由方得剃頭受戒其防禁之詳如此非若今時只納錢于官便可出家也念經讀經之異疑為背誦與對本云

射佃逃田

漢之法制大抵因秦而隨宜損益不害其為炎漢唐之法制大抵因隋而小加振飾不害其為盛唐國家當五季衰亂之後其究不下秦隋然一時設施固亦有可采取按周世宗顯德二年詔應逃戶莊田並許人請射承佃供納稅租如三周年內本戶來歸者其桑田不計荒熟並交還一半五周年內歸業者三分交還一分如五周年外除本戶墳塋外不在交付之限其近北諸州臨蕃人戶來歸業者五周年內三分交還二分十周年內還一半十五周年內三分還一此外者不在交還之限其旨明白人人可曉非若今之令式文書盈于几閣為猾吏舞文之具故有捨去物業三五十一年妄人詐稱逃戶子孫以錢買吏而奪見佃者為可歎也

周世宗好殺

史稱周世宗用法太嚴羣臣職事小有不舉往往寘之極刑予既書于續筆矣薛居正舊史記載其事甚備而歐陽公多芟去今畧記于此樊愛能何徽以用兵先潰軍法當誅無可言者其他如宋州巡檢供奉官竹奉璘以捕盜不獲左羽林大將軍孟漢卿以監納取耗刑部員外郎陳湜以檢田失寔濟州馬軍都指揮使康儼以橋道不謹內供奉官孫延希以督修永福殿而役夫有就瓦中噉飯者密州防禦副使侯希進以不奉使者命檢視夏苗左藏庫使符令光以造軍士袍襦不辦楚州防禦使張順以隱落稅錢皆抵極刑而其罪有不至死者

孟字義訓

一字數義固有之矣若孟字則是最長最先之稱如所謂孟侯孟孫元妃孟子孟春孟夏之類是也國語優施謂里克妻曰主孟唱我注云大夫之妻稱主從夫稱也而謂孟為里克妻字則非矣又云孟一作盍史記呂后本紀注中引此句而司馬正索隱乃云孟者且也言且唱我物其說無所據班固幽通賦盍孟晉以迨羣李善乃注孟為勉蜀王衍書其臣徐延瓊定壁為孟言蜀語謂孟為弱故以戲之其後孟知祥得蜀館于徐第以為己識此義又為無稽也東坡與歐陽叔弼詩云主孟當唱我玉鱗金鯉魚正用優施語魯之寶刀曰孟勞不詳其義

向巨原詩

亡友向巨原自少時能作詩予初識之于梁宏夫坐上未深知之也是日偕二友從吳傳朋游芝山登五老亭以駕言出游分韻賦詩巨原得駕字其語云茲山何巍巍氣欲等嵩華從公二三子勝日飽閒暇躋攀謝車輿自辦兩不借捫蘿覓幽墜行椒得孤榭側送夕陽移俯視高鳥下登臨記曩昔歲月驚代謝卻數一周星復命千里駕身從泛梗流事與浮雲化竭來共一尊似為天所赦明發還間塗合離足悲吒詩成觀者皆服傳朋游絲詩卷數百篇巨原獨不深嘆美之頗記其數句曰先生著名節百世追延陵我評先生賢不以能書稱功成磨蒼崖盛德頌日昇勿書陵雲榜華顛踏高層句格超峻其旨皆有規諷與前所紀劉彥沖古風相類也後喪其平生所作數千篇目為葵齋雜藁倩予為序時予在章貢及序成持寄之則已卧病僅能于枕上一讀而已巨原初見韓子蒼得一詩曰老子真祠地君來覓紙題文如士衡俊年與正平齊聞說鍾陵郡官居章水西涪翁詩律在佳處可時攜而韓集佚不收但見序中耳

葉晦叔詩

亡友葉黯晦叔嘗除勅令所刪定官紹興十九年為福建帥屬予嘗因春補諸生白于府主邀與同考校鎖宿貢院兩旬予作長句云沈沈廣廈清如水市聲人聲不到耳一聞十日豈天賜慙愧紛紛白袍子相逢更得金玉人久矣眼中無此士連牀夜

語不成寐往往鷄聲忽驚起是中差樂真難名昔者相過安得此但憐時節不相謀
正墮清明寒食裏梨花已空海棠謝外間物色知餘幾只恐雨風摧折之負此一春
吾過矣謝公尋山飽閒暇應笑腐儒黏故紙錦囊得句應已多萬一相思頻寄似時
謝景思為參議官故卒章簡之晦叔和篇云文章萬言抵杯水世上虛名徒爾耳我
常自笑一生癡那更將癡笑羣子大屋沈沈餘百年到今所聞知幾士看渠得失自
偶然其間悲喜從何起君聞我言亦大笑為說萬事總如此缺兩急須了卻公家事
門外不知春有幾缺三飛雨時聞打窓紙他年萬一復相從未必從容今日似其語
意超新惜不能盡憶又嘗云五十六言大抵多引韻起若以側句入尤峻健如老杜
幽棲地僻經過少老病人扶再拜難是也然此猶是作對若以散句起又佳如苦憶
荊州醉司馬謫官樽俎定常開是也故予自福倖滿歸晦叔以二詩送別正用此體
一章云一門伯仲知誰似四海文章正數君何事與予如舊識由來于世兩相聞
宦各喜光陰賸勝地空多物色分忽復翩然從此去便應變化上青雲二章云此地
相從驚歲晚登臨況是客歸時卻將襟抱向誰可正爾艱難惟子知情到中年工作
惡別子生世易為悲梅花盡醉清江上黯淡西風凍雨垂可謂奇作然相別不兩年
即下世每誦味其語輒為悽然因刻所作容齋記嘗識于末

容齋三筆卷第十 十七則

詞學科目

熙寧罷詩賦元祐復之至紹聖又罷于是學者不復習為應用之文紹聖二年始立宏詞科除詔誥制勅不試外其章表露布檄書頌箴銘序記誡諭凡九種以四題作兩場引試唯進士得預而專用國朝及時事為題每取不得過五人大觀四年改立詞學兼茂科增試制誥內二篇以歷代史故事每歲一試所取不得過三人紹興三年工部侍郎李擢又乞取兩科裁訂別立一科遂增為十二體曰制曰誥曰詔曰表曰露布曰檄曰箴曰銘曰記曰贊曰頌曰序凡三場試六篇每場一古一今而許卿大夫之任子亦就試為博學宏詞科所取不得過五人任子中選者賜進士第雖用唐時科目而所試文則非也自乙卯至于紹熙癸丑二十榜或三人或二人或一人并之三十三人而紹熙庚戌闕不取其以任子進者湯岐公至宰相王日嚴至翰林承旨李獻之學士陳子象兵部侍郎湯朝美右史陳峴方進用而予兄弟居其間文惠公至宰相文安公至執政子宣處翰苑此外皆係已登科人然擢用者唯周益公至宰相周茂振執政沈德和莫子齊倪正父莫仲謙趙大本傅景仁至侍從葉伯益李元衡至左右史餘多碌碌而見存未顯者陳宗召也然則吾家所蒙亦云過矣

唐夜試進士

唐進士入舉場得用燭故或者以為自早旦至通宵劉虛白有二十年前此夜中一般燈燭一般風之句及三條燭盡之說按舊五代史選舉志云長興二年禮部貢院奏當司奉堂帖夜試進士有何條格者勅旨秋來赴舉備有常程夜後為文曾無舊制王道以明規是設公事須白晝顯行其進士並令排門齊入就試至閉門時試畢內有先了者上麻畫時旋令先出其入策亦須晝試應諸科對策並依此例則晝試進士非前例也清泰二年貢院又請進士試雜文並點門入省經宿就試至晉開運元年又因禮部尚書知貢舉竇正固奏自前考試進士皆以三條燭為限并諸色舉人有懷藏書冊不令就試未知于何時復有更革白樂天集中奏狀云進士許用書冊兼得通宵但不明言入試朝暮也

納綳絹尺度

周顯德三年勅舊制織造純綳絹布綾羅錦綺紗縠等幅闊二尺起來年後並須及二尺五分宜令諸道州府來年所納官絹每匹須及一十二兩其純綳只要夾密停勻不定斤兩其納官純綳依舊長四十二尺乃知今之稅絹尺度長短闊狹斤兩輕重頗本于此

朱梁輕賦

朱梁之惡最為歐陽公五代史記所斥嘗然輕賦一事舊史取之而新書不為拈出

其語云梁祖之開國也屬黃巢大亂之餘以夷門一鎮外嚴烽候內辟汙萊厲以耕桑薄其租賦士雖苦戰民則樂輸二紀之間俄成霸業及末帝與莊宗對壘于河上河南之民雖困于輦運亦未至流亡其義無他蓋賦斂輕而土園可戀故也及莊宗平定梁室任吏人孔謙為租庸使峻法以剝下厚斂以奉上民產雖竭軍食尚虧加之以兵革因之以饑饉不四三年以致顛隕其義無他蓋賦役重而宸區失望故也予以事考之此論誠然有國有家者之龜鑑也資治通鑑亦不載此一節

坎離陰陽

坎位正北當幽陰肅殺之地其象于易為水為月董仲舒所謂陰常居大冬而積于空虛不用之處然而謂之陽離位正南當文明赫赫之地于易為日為火仲舒所謂陽常居大夏而以生育長養為事然而謂之陰豈非以陰生于午陽生于子故邪司馬貞云天是陽而南是陽位故木亦是陽所以木正為南正也火是地正亦稱北正者火數二二地數地陰主北方故火正亦稱北正究其極摯頗似難曉聖人無所云古先名儒以至于今亦未有論之者

前執政為尚書

祖宗朝曾為執政其後入朝為他官者甚多自元豐改官制後但為尚書曾孝寬自簽書樞密去位復拜吏部尚書韓忠彥自知樞密院出藩以吏書召李清臣蒲宗孟

王存皆嘗為左丞而清臣存復拜吏書宗孟兵書先是元祐六年清臣除目下為給事中范祖禹封還朝廷未決繼又進擬宗孟兵部右丞蘇轍言不如且止左僕射呂大防于簾前奏諸部久闕尚書見在人皆資淺未可用又不可闕官須至用前執政轍曰尚書闕官已數年何嘗闕事遂已胡宗愈嘗為右丞召拜禮書吏書自崇寧已來乃不復然

河伯娶婦

史記褚先生所書魏文侯時西門豹為鄴令問民所疾苦長老曰吾為河伯娶婦以故貧豹問其故對曰鄴三老廷掾常歲賦斂百姓錢得數百萬用其二三十萬為河伯娶婦與祝巫分其餘錢持歸巫行視小家女好者即聘娶為治齋宮河上粉飾女浮之河中而沒其人家有好女者多持女遠逃亡以故城中益空無人豹曰至娶婦時吾亦往送遂投大巫嫗及三弟子并三老于河乃罷去從是以後不敢復言為河伯娶婦予按此事蓋出于一時雜傳記疑未必有寔而六國表秦獻公八年初以君主妻河言初者自此年而始不知止于何時注家無說司馬貞史記索隱乃云初以君主妻河謂初以此年取他女為君主君主猶公主也妻河謂嫁之河伯故魏俗猶為河伯娶婦蓋其遺風然則此事秦魏皆有之矣

六經用字

六經之道同歸旨意未嘗不一而用字則有不同者如佑祐右三字一也而在書為佑在易為祐在詩為右惟維唯一也而在書為惟在詩為維在易為唯左傳亦然又如易之无字周禮之湏眠薨蟲蠶臺戲巢糾綯簦等字他經皆不然今人書无咎无妄多作無失之矣孝宗初登極以潛邸為佑聖觀令玉冊官篆牌奏云篆法佑字無立人只單作右字道士力爭以為觀名去人恐不可安跡有旨特增之

鄂州興唐寺鐘

鄂州城北鳳凰山之陰有佛刹曰興唐寺其小閣有鐘題誌云大唐天祐二年三月十五日新鑄勅官階姓名者兩人一曰金紫光祿大檢校尚書左僕射兼御史大陳知新一曰銀青光祿大檢校尚書右僕射兼御史大楊琮大字之下皆當有夫字而悉削去觀者莫能曉五代新舊史九國志並無其說唯劉道原十國紀年載楊行密之父名怱怱與夫同音是時行密據淮南方破杜洪于鄂而有其地故將佐為諱之行密之子渭建國之後改文散諸大夫為大卿御史大夫為御史大憲更可證也鄴陽澤洲寺有吳武義二年銅鐘安國寺有順義三年鐘皆刺史呂師造題官稱曰光祿大卿檢校太保兼御史大卿然則亦非大憲也王得臣塵史嘗辨此事而云行密遣劉存破鄂州知新琮不預志傳皆略而不書予又按楊溥時劉存以鄂岳觀察使為都招討使知新以岳州刺史為團練使同將兵擊楚為所執殺則知新乃存偏裨

非不預也

禰衡輕曹操

孔融薦禰衡以為淑質正亮英才卓犖志懷霜雪疾惡若讐任座史魚殆無以過若衡等輩不可多得數稱述于曹操操欲見之衡素相輕疾不肯往而數有恣言操懷忿因召之擊鼓裸身辱之融為見操說其狂疾求得自謝操喜勅門者有客便通待之極宴衡乃坐于營門言語悖逆操怒送與劉表衡為融所薦東坡謂融視操特鬼蜮之雄其勢決不兩立非融誅操則操害融而衡平生唯善融及楊脩常稱曰大兒孔文舉小兒楊德祖融修皆死于操手衡無由得全漢史言其尚氣剛傲矯時慢物此蓋不知其鄙賤曹操故臨身危機所謂語言狂悖者必誦斥其有僭篡之志耳劉表復不能容以與黃祖觀其所著鸚鵡賦專以自況一篇之中三致意焉如云嬉游高峻栖峙幽深飛不妄集翔必擇林雖周旋于羽毛固殊智而異心配鸞皇而等美焉比翼于衆禽又云彼賢哲之逢患猶棲遲以羈旅矧禽鳥之微物能馴擾以安處又云嗟祿命之衰薄奚遭時以嶮巖豈言語以階亂將不密以致危又云顧六駟之殘毀雖奮迅其焉如心懷歸而弗果徒怨毒于一隅卒章云苟竭心于所事敢背惠以忘初期守死以報德甘盡辭以效愚于每三復其文而悲傷之李太白詩云魏帝營八極蟻觀一禰衡黃祖斗臂人殺之受惡名吳江賦鸚鵡落筆超羣英鏘鏘振金